

**Ўзбекистон Республикаси ва Россия Федерацияси  
соғлиқни сақлаш вазирларининг учрашуви тўғрисида**  
**МАЪЛУМОТНОМА**

*Учрашув жойи: Ўзбекистон Республикаси соғлиқни сақлаш вазирлиги  
Санаси: 2019 йил 6 март.*

Ўзбекистон Соғлиқни сақлаш вазирлигига Россия Федерацияси соғлиқни сақлаш вазирлиги делегацияси аъзолари билан учрашув бўлиб ўтди. Дўстона руҳда ўтган мулоқотда Ўзбекистон Соғлиқни сақлаш вазири Алишер Шадманов ва Россия Федерацияси Соғлиқни сақлаш вазири Вероника Скворцова тиббиёт ва таълим соҳасидаги ҳамкорликни янада ривожлантириш масалалари ҳамда бу борадаги янги лойиҳаларни атрофлича муҳокама қилдилар.

Учрашувда Ўзбекистон Соғлиқни сақлаш вазири А.Шадманов таъкидлаб ўтганидек, Ўзбекистонда тиббиёт соҳасини такомиллаштириш давлат сиёсатининг устувор йўналишларидан бири бўлиб, сўнгги икки йилда соҳада сезиларли ижобий ўзгаришлар юз берди. Жумладан, Ўзбекистон Республикаси Президентининг фармони билан 2019–2025 йилларда Ўзбекистон Республикаси соғлиқни сақлаш тизимини ривожлантириш концепцияси тасдиқлангани ҳам соҳа ривожида катта воқеа бўлди. Ушбу Концепцияни ишлаб чиқишида мамлакат соғлиқни сақлаш тизимидағи ҳолат чуқур таҳлил қилинди, 20 дан зиёд ривожланган мамлакатларнинг соҳадаги тажрибаси ўрганилди.

Шадманов, шунингдек, Президент Владимир Путиннинг таклифига биноан Президентимиз Шавкат Мирзиёевнинг Россия Федерациясига давлат ташрифи доирасида вазирликлар ўртасида бир қатор хужжатларнинг имзоланиши соғлиқни сақлашда таълим ва илм-фанни ривожлантириш борасидаги ҳамкорликка замин яратди. Натижада, кадрлар малакасини ошириш йўналишида яхши ҳамкорлик йўлга қўйилди. Ўтган йиллар давомида 600 дан зиёд мутахассисларимиз Россиянда малака оширишган бўлса, Россиянинг 300 нафар нуфузли мутахассислари юртимизда маҳорат дарслари, кўргазма ва маърузалар ташкил этиш ҳамда мураккаб операцияларни ўtkазиш учун Ўзбекистонга ташриф буоришли.

Ихтисослаштирилган тиббиёт марказлари ва тиббиёт университетлар ўртасида ҳам фаол алоқалар мавжуд. 2019/2020 ўқув йилидан бошлаб юртимизда И.М.Сеченова номидаги Москва давлат тиббиёт университетининг филиалини очиш кўзда тутилган бўлиб, бу борада қўшма факултетларни ташкил этиш, бакалавриат, магистрлик ва клиник ординатурада таълим дастурларини тайёрлаш борасида шартномалар тузилди.

Шунингдек, 2019/2020 ўқув йилидан бошлаб Санкт-Петербург давлат педиатрия тиббиёт университети ва Тошкент педиатрия тиббиёт институти ҳамкорлигига “Педиатрия иши” ва “Даволаш иши” таълим йўналишлари бўйича қўшма факултет ташкил этилади. Жорий йил сентябрдан Россиянинг Халқлар дўстлиги университети ва Тошкент давлат стоматология институти биргаликда “Дерматовенерология” йўналишида қўшма факультет очиш режалаштирилган. Бундан ташқари, Оренбург давлат тиббиёт университети ва Тошкент давлат стоматология институти ҳамкорлигига “Даволаш иши” ва “Клиник психология” йўналишида ҳам қўшма факультетлар ташкил қилинади. Санкт-Петербург педиатрия тиббиёт университети ва Тошкент педиатрия тиббиёт институти Нукус филиали билан биргаликда эса олтита: “Акушерлик ва гинекология”, “Болалар жарроҳлиги”, “Травматология”, “Педиатрия”, “Стоматология” ва “Онкология” йўналишларида халқаро факултетлар ташкил қилиш ҳам кўзда тутилган.

В. Скворцова Ўзбекистонда соғлиқни саклаш соҳасидаги ўзгаришларни, хусусан, мажбурий тиббий суғурта тизимини татбиқ этиш, аҳолининг ижтимоий ҳимояга муҳтоҷ қатламлари, жумладан, болалар ва кексаларни сифатли тиббий хизмат билан қамраб олиш, тиббиёт муассасаларида “ҳар бир даволанган ҳолат” учун клиник ҳаражат гуруҳлари бўйича ва киши бошига молиялаштириш тизимининг жорий этилаётганини эътироф этди. Меҳмон ўзаро тажриба алмасиши ва соҳада олиб борилаётган ислоҳотларни амалга оширишда кўмаклашиш, соғлиқни саклаш ва тиббий таълимни ривожлантириш юзасидан қўшма лойиҳаларни амалга оширишда ҳамкорлик қилишга тайёр эканини билдириди.

Делегация аъзолари республика ихтисослаштирилган илмий-амалий тиббиёт марказлари, хусусий клиникалар, бирламчи тиббий ёрдам муассасалар ҳамда тиббиёт олий ўқув юртларига ҳам ташриф буюрадилар.

Қўшимча маълумот учун: 71-241-16-40